



SIARAN AKHBAR

S.A. 2021/04/69 (HQ)

TNB BERTINDAK SEGERA PULIHKAN GANGGUAN BEKALAN AKIBAT KEBAKARAN KABEL PPU PUNCAK ALAM

Tenaga Nasional Berhad (TNB) telah segera menggerakkan pasukan teknikalnya bagi memulihkan bekalan elektrik yang terganggu akibat kebakaran pada sebahagian kabel di Pencawang Pembahagian Utama Puncak Alam, Kuala Selangor jam 4.24 pagi tadi.

Majoriti daripada 14,000 pengguna yang terlibat mendapat balik bekalan seawal 6:29 pagi melalui suabalik sistem Grid.

Antara kawasan yang terlibat adalah Taman Alam Suria, Bandar Puncak Alam, Taman Alam Sutera, Astana Alam 2, Bandar Hillpark, Kampung Bukit Hijau dan Pusat Komersil Eco Grandeur.

Baki bekalan diberikan secara berperingkat menerusi set janakuasa bergerak dengan pengguna terakhir menerima bekalan pada jam 3:40 petang tadi.

Punca kebakaran yang menyebabkan kehilangan beban sebanyak 12.15 megawatt (MW) itu masih disiasat.

Kepada pelanggan yang terlibat, TNB memohon maaf atas kesulitan yang timbul. Untuk maklumat lanjut, para pelanggan dinasihatkan untuk menghubungi TNB CareLine di talian 15454 atau Facebook TNB CareLine.

Dikeluarkan di Kuala Lumpur pada 21 April 2021, jam 4:45 petang
*Untuk pertanyaan lanjut media, sila hubungi Fitri Majid 013-3626923 /
Grace Tan 016-6626229 / Nasir Aziz 018-9434524
atau emel kami: media@tnb.com.my*